

# Bergsträßer Bilderbogen

Gedichte und Erzählungen in Mundart

von

Joseph Stoll

mit Originalholzschnitten

von

Georg Beringer

Erstes Bändchen



Fritz Kaulbach, Buch- und Kunstverlag  
Bensheim a. d. Bergstraße

# Bergsträßer Bilderbogen

Gedichte und Erzählungen in Mundart

von

Joseph Stoll

Mit Originalholzschnitten von Georg Beringer

Erstes Bändchen

Fritz Kaulbach, Buch- und Kunstverlag Bensheim a.d. Bergstraße

# De gehäkelt Unnerock.

De Franz woar geschdern owend droi  
Im Saal zum goldne Läuwe.  
Do woar Teader, ui wie foi.  
Dort konnt mer woas erleewe.



Des woar e Schiewe un Gedrick,  
Enaus schun wirrer wollt er.  
De Kellner rieht ehn noch zurick  
Un dann en Schduhl ehm holt er.  
Er hot sich glei aach druffgesetzt,  
Dann segt er: „Sie, ei gebt mer

Mol glei e Bier, e dunkel, jetzt,  
Do, fufzig Penning häbt er.  
Un doher unnern Schduhl geschdellt,  
Daß net es um kann falle.  
Woas dann noch iwrig bleibt vum Geld,  
kennt ehr for Eich behalle!“  
Jetzt wern die Lichder ausgedreht.  
Des Schdick, des duht beginne.  
Dem Franz soin Sinn nooch drinke schdeht,  
Doch kann er’s Gloas net finne.  
Un wie er immer noch sich bickt,  
Um noach soim Gloas zu daschde,



Do is ehm zwoar des net geglickt,  
Doch denkt er: Ei, woas haschde?“  
Er helt en Faddem in de Hand,  
Er zoare wollne Faddem.  
Er denkt: „Den kann for allerhand  
Mer brauche, wann mer hat'n.  
Er zobbt, un immer länger werd  
De Faddem aus em Dunkel.  
Er hot zusamme schun gezerrt  
Bereits e kloani Klunkel.  
Do fellet vum Lichd en Schoi eroi.  
Er sieht's is puri Wolle;



Drum fengt er, kaum is dunkel droi  
Wie'n Willer aa zu rolle.

Er wickelt uff, als gält's e Wett –



Schun woars en groußer Balle –

Do is uff aamol im Parkett

E Freiloin umgefalle.

Die hot en Läiwekrisch gedaa,

Daß alles is verschrocke.

De Franz selbschd helt im Wickle aa,  
De Faddem kimmt ins Schdocke.  
Un wie mer dann die Dam beleicht  
Un duht mit Woi se laawe,  
Do kimmt se zu sich aach un keichd:  
„Soll mer’s dann werklisch glaawe?  
Do hot der, wärends’s dunkel graad,  
Doch aaner unverhole  
De Unnerock mer unnerm Klaad,  
- So frech zu soi – geschdohle.“  
Mer lacht se aus, mer glaabt’s ehr net,  
Mer helt se for histerisch.  
De Franz allaa glaabt, woas se redd.  
Die Woll woar der geheerig.  
Die woar gebliwe offeboar  
Vorhin am Schduhlbaa henke.  
De Rock, weil er gehäikelt woar  
Ging uff, mer kann’s sich denke.  
Er hot ehn dann, zwoar ugewollt,  
So langsam uffgezobbelt.  
Un zu me Balle uffgerollt.  
Soi Eil hot des verdobbelt.

Schnell greift er zu soim Hut un Schdock  
Un denkt beim Laafe: „Hoalt,



‘s langt also groad for’n Unnerock.  
Des is woas for moi Oalt.

# De geuhzt Dokter.

Ich will Eich e Geschichde noch  
Verzäile heit, e woahres.

Es kennt jo mancher vun Eich doch



Die frieher „Villa Zores“.

Do hot mol aaner droigewohnt,

Des woar en groußer Lumbes,

Der hot der jeren Daag beloht

Soi Fraa mit er Tracht Bumbes.

Wann haam de Mensch gekumme is,

Do woar er meischd besoffe.

Soi Fraa, die dabbig Annelis,  
Is schnell dann fortgeloffe.  
Un hot die ganze Nochberschaft  
Gemoacht noch schpet rewellich,



Sie hot zwoar domit nix geschafft,  
Die Priejel woarn doch fellig.  
Un wie e Zeitlang woar erum  
Woar er vum Suff erunner,  
Bis schließlich er's Delirium  
Bekam, woas aach kaa Wunner.  
Do denkt die dabbig Annelis –  
Noch kaani vun de Dimmschde –

Woart Oalter, awer ganz gewiß  
Noch die Woch fort mer kimmsch de. - -  
De annern Morjend in de Frie  
Is se zum Dokter gange



Un hot gefragt: „Herr Dokter, wie  
Wär des dann aazufange.  
Moin Mann, de Michel, bummt mich rum  
Im Suff bereits daagdäglich,  
Ich maan, es wär's Trilirium;  
Wär des dann goar net meglich,  
Daß in e Aastalt mer'n kennt duh  
- Ich deht en net vermisse –

Vun selwert geht er net parduh;  
Drum derft er nix vun wisse.  
Dehn Sie, Herr Dokter, net vielleicht  
Mer soi debei behilflich?  
Wie der die letschde Zeit sich zeigt,  
Is werklich oarik schimpflich.  
Kregt ich als hie und do mol Hibb,  
Ich wollt jo goar nix soue.  
Doch neilich hot er mit rer Schibb  
Mich winnelwaach geschloue.“  
Do segt de Dokter: „Fraache, ei,  
Der sull Eich net mehr schinne.  
Zu dere Schibb do werr ich glei  
En Schdiel bis morje finne.  
Ich kumm jo morje doch vorbei  
An Eierm Haus mi'm Woage,  
Do kumm ich mol forn Schbrung enoi  
Un werd dem Michel soage,  
Ich mißt groad foahre iwer Land  
Un aach poar Wert besuche.  
Do kennt er Woi un allerhand  
For gure Schnäps versuche.

Er soll nor mitfoahrn, ich berabb's –  
So Kranke sein empfenglich –  
Dann schenkt ehr oi uns noch en Schnaps,  
Des mehd'n mehr zugenglich.  
Dann foahr ich mit'm in de Schäis  
Zum Seiferhaam allmelig;  
Mer robbe aan noch unnerwäigs,  
Des mehd'n ganz noch selig.  
Ich will glei aa mol rufe un  
Die Aaschdalt korz verschdend'ge.“  
Mer wolle dann de Kranke schun,  
Wann dort mer sein, mol bend'ge.“  
Die Fraa, die woar der glei debei  
Un segt: „Ich duhn's bezoahle;  
Herr Dokter, gell, Sie sein so frei  
Un duh'n ehn morje hole.“  
De Dokter hot aach glei geschellt  
Am Telephon un dringlich  
Im Seiferhaam zwaa Kerl beschdellt,  
Die schdarik un ubezwinglich.  
Die sollte morje Mittag schdehe  
Am Oigang, un glei dabbe,

Den in de Schäis se hocke sehe.  
Doch mißt foi alles klabbe.  
Wann sich de Kranke schdreiwe sollt  
Un in die Eck verschdecke,



Dann mißte se'n hoalt mit Gewoalt  
Glei in e Zwangsjack schdecke.  
Un wann er aach bedeiern deht,  
Er wär jo goar kaan Kranke,  
Es hilft kaa Singe un Gebet,  
Besinne net un Schwanke.  
„Ich kumm jo selwert mit bis hie,  
Doch loß sogleich ich drehe.

Des drum un draa, des wu un wie,  
Des brauch ich net zu sehe.  
Duht Ihr nor Eier Schulligkeit  
Un loßt'n net entkumme,  
Er is net dumm, er is gescheit  
Un kaaner vun de Frumme.“  
Nachdem so alles vorbereitet  
Bis in die kloanste Sache,  
Do hot de Dokter sich gefreit  
Un duht in's Feischdche lache.  
Woart, denkt es, desmol kriehn mer dich,  
Jetzt krieschd mol du doi Bumbes.  
Die letschd Schuld hoschd de aach an mich  
Noch net bezoahlt, du Lumbes. - -  
Am nechschde Morjend, uhres zehe,  
Kam werklich aach de Dokter,  
Läd oi de Michel mitzugehe.  
Ball newer ehm do hockt er.  
Die Annelis schenkt Schnaps noch oi,  
Winscht hehnisch vie Vergnieje,  
De Dokter lächelt in sich noi,  
De Gaul fengt aa zu zieje.

Ball is er im gewohnte Drabb,  
De Michel duht sich schpreize.  
Es zieht jo alles oab die Kapp;  
Des duht'n forchtboar reize.



Er segt: „Herr Dokter, woas e Ehr  
Is heit mer widderfahre?  
Am nechsche Wertshaus foahrn mer ver,  
Do wird mol ausgelaare.  
Wie do, so is en Schobbe Woi  
Net weit un breit zu haawe.  
Hoalt, Kutscher, hoalt, do geht's enoi,  
Mer wolle und mol laawe!“

De Dokter widderschpricht ehm net,  
Er denkt, es reißt en samme  
Enoi, wu mer'n schun lengschd gern hett,



Des is net zu verdamme.  
En Schobbe wird glei hiegeschdellt,  
Kaan schlechter woars, en gurer;  
De Dokter denkt: „Ei, alle Welt,  
Du hoschd Geschmack, du Lurer.“ –  
Un aus dem aane Schobbe werd  
En zwatter un en dritte

Uff aamol is es schun de vert.  
Jetzt duht de Dokter bitte:  
„Kumm Michel, kumm, jetzt is es Zeit,  
Mer misse weirer foahre  
Biet sich noch die Gelejenheit,  
Dann trinke mer noch en „Kloare“.  
Mit Bitte dann un Lamediern,  
Do bringt er ehn zum Gehe.



De Michel leßt sich expediern  
Und grinst: „Wer wern’s jo sehe.“  
Un wie er newer’ m Dokter hockt  
Es woar e Hitz e arge –

Do is de Michel oigenockt.  
Jetzt duht er goar schun schnarche. - -  
De brave Dokter soinerseits  
Duht aach de Woi schun schpiere.  
Korz druff, do schdreckt er aach bereits  
Schun vun sich alle Viere. - - -  
De Gaul der drabbt in oaner Duhr  
Die staanig Schossee ane.



Do guckt de Kutscher mol reduhr  
Un segt: „Ball wern mer lanne!“  
Do is de Michel uffgewoacht  
Un hot gefräigt: „Wu soin mer?“

Do hot de Kutscher druff gesoht:  
„Am Seiferhaam, beim Kaimer!“  
De Michel reibt die Aage sich  
Un duht nix gures ahne,  
Er schbringt eraus un raischpert sich. - - -  
De Dokter fehrt allaane.  
De Kutscher merkt vun alledem  
Aach net mol des Geringschde,  
Dann aach vum Woi geschdiehe dem  
Sin in de Kopp die Dinschde. - - - -  
Un goar net lang, do helt des Breck  
Vor'm Seiferhaam soim Pertche.  
Do wern zwaa Kerl am Stroaßeeck  
Uff aamol sehr allertche.  
Sie schderze uff de Dokter sich  
Un reiß'nen aus em Woage.  
Der dobt un kreischt ganz ferchderlich  
Un rief: „Woas duht er mache?  
Ich bin de Dokter jo Ihr Leit,  
De Annere is de Seifer,  
Um Gottes Wille, seid gescheit,  
Hoalt oi mit Eierm Eifer.“

Es hilft'm nix, sie greife zu  
Un duhn'nen aus noch lache.  
„Du segst, Du werschd en Dokter, Du,



Du schdingschd jo aus em Rache  
Noach Woi un Schnaps un Alkohol,  
Du oalter Branntwoibrurer,  
Du bischd aach schoint's nor aamol voll.  
Do noi, besoffe Lurer!“ - - - -  
De Kutscher, der getraut sich net  
Aach nor aa Wort zu soage.

Er dreht un fehrt haam, ball im Schritt  
Un ball im Drabb, soin Woage.  
Un noach rer gure halwe Schdunn



Sieht er de Michel sitze,  
Schee unnerm Baum, weil in de Sunn  
Mer heit zu leicht kennt schwitze. - - -  
De Michel rieht dem Kutscher zu:  
„Hoschd du ehn abgeloare?  
Jetzt awer uff de Gaul, un du  
Haamzusich Drabb gefoahre.

Ich will beizeit dehaam noch soi,  
Moi Oalt muß ich verdresche;  
Die hot mer net gegunnt de Woi,



Ich muß mich an ehr räche!  
De Dokter, gell, hot schie geschnauft,  
Dem daht sein Plan net glicke. - - -

-----  
En Dokter soll, wann selbschd er sauft;  
Kaa Seiferhaam beschicke!“

# De Schpeikaschde.

De Schorch, der kimmt in e Reschdation,  
Beschdellt e Gloas Woi un dann Worscht, e Portion.  
Druff schdeckt er soi Peif aa, beim Raache, wie immer,



So schpeizt er aach jetzt alleritt mol ins Zimmer.  
De Kellner, der sieht des un schdellt newer'n drum  
En Schpeikaschde hie, de Schorsch dreht sich rum  
Un schpeizt uff die Seit, wu nix vor ehm schdeht.  
Es hot des de Ärjer vum Gaschdwert erheht.  
En haamlicher Wink, de Kellner hot jetzt  
For'n Schorsch aach uff der Seit en Kaschde gesetzt.  
Do guckt der verdutzt un schritzt nooch rer Paus



Net links un net rechts, - naa desmol groadaus.  
Den Kellner, den hot des g arjert goar sehr,  
Drum schdellt vor soi Fie  en Kaschde jetzt er.  
Do mecht'r de Schorsch sou Aage vor Zorn





Un segt ehm: „Ei Kerl, bischd verrickt du dann worrn?“  
Loß nor mol des Kaschdeschdelle do soi,  
Sunschd schpeiz ich am Enn der doch mol enoi.

